


Aguste Verdot

Lou mariage astra



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/ciel/>

Aguste Verdot

Lou mariage astra

Mount-pelié
Emprimarié dóu Miejour
1876

Lou Mariage astra

A Madamo F. Mistral

Quau es aquelo grando e bello,
Aducho pèr uno auro d'aut,
Que s'avanco coume Esterello
A l'endavans de Calendau?

Vers la capello di Tres-Damo,
Quau es aquelo que descènd,
E ié vai prega pèr quau amo,
Coume Mirèio pèr Vincènt?

Quau es aquelo que lis Ange
I'an fa 'usi de celèsti cant,
E qu'a vist en un soungè estrange
Uno grand fèsto is Aliscamp?

Dison que s'apello Marìo...
Marìo, un noum quàsi divin,
Un rebat de l'astre que viho
Sus la Barco e sus li marin.

Eh bèn! Mاريو es la fiançado
Que, majestouso dins soun dòu,
La Maire au Fiéu a designado,
E lou Fiéu a di: — Diéu lou vòu!

Noun es duquesso ni barouno;
Mai Galatèio e Beatris
Mens que la chato bourguignouno
An l'estè pur qu'amourousis.

Es dóu pouëto e de l'artisto
Lou desir devengu tresor;
Es uno encarnacioun requisto,
Vièsti embauma d'un pantai d'or.

Vejo-nous dounc, vas de Jouvènço
Li parfum qu'as tengu rejoun,
E lèu flourigues en Prouvènço,
Poulido Roso de Dijoun!

Vai, la Prouvènço t'esperavo;
Sèns te counèisse t'amavian;
Es pèr toun front que se gardavo
La courouno que trenavian.

— En glòri vai, saras aussado
Coume uno Rèino, e de cant dous
Saras bressado e caressado
Pèr toun felibre amistadous.

As tout quita pèr veni nostro:
Brès nadalen, jardin flouri,
Amigo e maire.... acò nous mostro
Quau siés e quant vau Frederi.

Segound la lèi de Prouvidènci,
Tout bèn qu'es fa, di vo pensa,
Meme au courrènt de l'eisistènci
Déu èstre larg recoumpensa.

Quand à la porto d'un o d'uno
Veirés adounc veni pica
L'amour, la glòri, la fourtuno,
Digas: — Èi Diéu que vèn paga.

Aro es fourtuno, amour e glòri,
Qu'au meme oustau toumbon subran;
Un jour saubren li vertu flòri
D'Éu emai d'Elo... En esperant,

Canten la nòvio que s'avanço
E qu'à la Prouvènço, emé siuen,
Adus lou poutoun de la Franço,
Poutoun que clantira ben liuen.

Aupiho, boundas d'alegresso!
Rose e Durènco, Mar e Crau,
Saludas vosto segnouresso!
Veici l'espouso de Mistrau.

Eiguiero, lou 10 d'óutobre 1876.

Tèste integrau

C.I.E.L. d'Oc

Centre International de l'Écrit en Langue d'Oc

Sèti souciau:
3, plaço Joffre - 13130 Berro.

Tóuti dre reserva - Tous droits réservés - All right reserved.

© **Centre International de l'Écrit en Langue d'Oc -2000**

© Adoubamen dóu tèste, de la meso en pajo
e de la maqueto pèr Tricìo Dupuy,
en sa qualita de Direitriço
dóu Counsèu d'Amenistracioun
dóu CIEL d'Oc.

